

植

物

名

實

圖

攷

植物名實圖考卷之二十九

固始吳其濬著

蒙自陸應穀校刊

羣芳

佛桑

蓮生桂子花

金蝴蝶

黃連花

野丁香

牛角花

白刺花

報春花

小雀花

素興花

燈籠花

荷苞山桂花

滇丁香

藏丁香

地湧金蓮

丈菊

壓竹花

藏報春

鐵線牡丹

七里香

草葵

野梔子

草玉梅

白薔薇

繡花

野蘿蔔

珍珠梅

細梔子

海仙花

白蝶花

綠葉綠花

水名

11



佛桑

佛桑一名花上花雲南有之嶺南雜記佛桑與扶桑正相似中心起樓多一層花瓣南越筆記佛桑一名花上花花上複花重臺也卽扶桑蓋一類二種又楊慎外集朱槿之紅鮮重臺者永昌名之曰花上花徐霞客遊記永昌花上花者葉與枝似木槿而花正紅閩中扶桑相類但扶桑六七朵竝攢爲一花此花一朵四瓣從心中又抽出疊其上殷紅而開久自春至秋猶開雖插地輒活如柳然然植庭左則活右則否亦甚奇也檀萃虞衡志謂佛桑不應改爲扶桑殊欠考詢



蓮生桂子花

蓮生桂子花雲南園圃有之細根叢茁青莖對葉葉似桃葉微闊夏初葉際抽枝參差互發一枝蓓蕾十數長柄柔綠圓苞搖丹頗似垂絲海棠初開五尖瓣紅花起臺生小黃筒子五枝簇如金粟筒中復有黃鬚一縷內嵌淡黃心微突此花大僅如五銖錢朱英下揭瓣蕊上擎宛似別樣蓮花中撐出丹桂也結角如婆婆鍼線包而上矗絨白子紅老卽迸飛



金蝴蝶

金蝴蝶生雲南圃中細莖如蔓葉對生如石竹而長色綠微勁
夏開五瓣紅花似剪秋羅初開每瓣有一缺僂姦如之致



木牛名目
黃連花

黃連花獨莖亭亭對葉尖長四月中梢開五瓣黃花如迎春花
繁密微馨昆明鄉人摠售於市因其色黃強爲之名



野丁香

野丁香生雲南山坡高尺許，赭莖甚勁，數葉攢簇，層層生發，花開葉間，宛似丁香，亦有紫白二種。

牛角花

羣芳卷之三十九



牛角花

牛角花生雲南平野鋪地叢生綠莖纖弱發又處生二小葉又附生短枝三葉莖梢開花如小豆花又似槐花有黃紫白三種春疇匝隴燦如雜錦土人以小葩上翹結角尖彎故名牛角